

Ո Ր Ո Շ ՈՒ Մ N 283/1
վարչական տույժ նշանակելու մասին

«25» փետրվար 2022թ.

Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով «Սառ-93» ՍՊ ընկերության, (ՀՎՀՀ 02641833 հասցե՝ ՀՀ, Երևան, Մաշտոցի 43) տնօրեն Էլեն Ստեփանի Կադիմյանի (Անձը հաստ. փաստ. AK0299735 բնակվող ք. Երևան Բաղրամյան 1 նրբ 42 ճան) նկատմամբ հարուցված մաքսային կանոնների խախտման վերաբերյալ գործը՝

Պ Ա Ր Զ Ե Ց Ի

«Սառ-93» ՍՊԸ լիազորված անձ Ս.Կադիմյանը դիմումով (ԱՄՎ մուտք թիվ 1986 առ 10.02.2022թ) հայտնել է, որ թիվ 05100010/190419/0031323 ապրանքների հայտարարագրով հայտարարագրվել է բեռ, սակայն 2 հերթական համարի ապրանքի ԱՏԳ ԱԱ ծածկագիրը նշվել է ոչ ճշգրիտ տեղեկություններով և խնդրել է թույլատրել վերոնշյալ ապրանքների հայտարարագրում կատարել ճշգրտում:

Դեպքի առթիվ 11.02.2022 թվականին ՀՀ ՊԵԿ Արարատյան մաքսատուն-վարչության ավագ մաքսային տեսուչ-իրավաբանի կողմից «Սառ-93» ՍՊ ընկերության, տնօրեն Էլեն Ստեփանի Կադիմյանի նկատմամբ կազմվել է մաքսային կանոնների խախտման վերաբերյալ արձանագրություն:

Մաքսային կանոնների խախտման վերաբերյալ գործը Էլեն Ստեփանի Կադիմյանի մասնակցությամբ քննելու համար նշանակվել է գործի քննություն, ինչի տեղի ու ժամանակի մասին ծանուցագիր է ուղարկվել նրա գտնվելու վայրի հասցեով, սակայն բացակայելու և գտնվելու վայրի մասին այլ տեղեկություններ չլինելու արդյունքում, 25.02.2022 թվականին ժամը 9:30-ին գործը քննվել է Էլեն Ստեփանի Կադիմյանի բացակայությամբ:

Նյութերի ուսումնասիրությունից հիմնավորվում է, որ «Սառ-93» ՍՊ ընկերության անվամբ թիվ 05100010/190419/0031323 ապրանքների հայտարարագրով «Ներքին սպառման համար բացթողում» մաքսային ընթացակարգով հայտարարագրվել է ապրանքներ, սակայն հայտարարագրի 2-րդ հերթական համարի 33-րդ՝ ապրանքի ծածկագիրը վանդակում ԱՏԳ ԱԱ ծածկագիրը նշվել է ոչ ճշգրիտ տեղեկություններով և ենթակա էր հայտարարագրման ԱՏԳ ԱԱ 32100090090 ծածկագրով:

Հայտարարագրման ժամանակ ոչ ճշգրիտ տեղեկություններ նշելու արդյունքում 19.04.2019 թվականի դրությամբ առաջացել են մաքսային վճարների պակաս հաշվարում՝ 24,612 ՀՀ դրամի չափով:

ԵԱՏՄ Մաքսային Միության Հանձնաժողովի 20.05.2014թ-ի թիվ 257 որոշմամբ հաստատված՝ ապրանքների մաքսային հայտարարագրի լրացման կարգի 14-րդ կետով սահմանված են ներմուծված ապրանքների հայտարարագրման դեպքում ապրանքների հայտարարագրում հայտարարատուի կողմից լրացման ենթակա վանդակները, որոնց մեջ ներառված են նաև 33-րդ վանդակը:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով

Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որի արդյունքում առաջանում է մաքսային վճարների պակաս հաշվարկում կամ չհաշվարկում՝ հանցագործության հատկանիշների բացակայության դեպքում՝ առաջացնում է չհաշվարկված կամ պակաս հաշվարկված մաքսային վճարների գանձում օրենքով սահմանված կարգով, ինչպես նաև տուգանք՝ այդ մաքսային վճարների 50 տոկոսի չափով:

Այսպիսով «Սառ-93» ՍՊ ընկերության տնօրեն Էլեն Ստեփանի Կադիմյանը թույլ է տվել ՀՀ մաքսային օրենսգրքի 203-րդ հոդվածի 1-ին մասով նախատեսված մաքսային կանոնների խախտում՝ հայտարարագրման ժամանակ ոչ ճշգրիտ տեղեկություններ նշելով, որի հետևանքով առաջացել է մաքսային վճարների պակաս հաշվարկում:

Ելնելով վերոգրյալից և ղեկավարվելով ՀՀ մաքսային օրենսգրքի 221-րդ, Վարչական իրավախախտումների վերաբերյալ ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 203-րդ հոդվածի 1-ին մասով նախատեսված մաքսային կանոնների խախտում կատարելու համար «Սառ-93» ՍՊ ընկերության տնօրեն Էլեն Ստեփանի Կադիմյանին ենթարկել վարչական պատասխանատվության՝ տուգանելով 12,306 ՀՀ դրամի չափով:
2. Որոշման մասին հայտնել «Սառ-93» ՍՊ ընկերության լիազորված անձ տնօրեն Էլեն Ստեփանի Կադիմյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն նույն օրենսգրքի 222-րդ հոդվածի 2-րդ մասի՝ որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:
3. Որոշմամբ նշանակված տուգանքի վճարման հաշվեհամարն է 900005024055-ը (ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈԴ 27):

ԱՐԱՐԱՏՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ

ԿԱՐԵՆ ԲԱԲԱՅԱՆ